

大字
足本

陳修園醫書四十八種

三
星
書
店
發
行

R2-51

34-2

爛喉丹痧輯要

爛喉痧輯要敘

爛喉痧。至危之症也。寒煖非時。鬱成厲毒。一鄉傳染相同。卽是天行之瘟疫也。與尋常咽喉通行痧。俱迥然不同。道光丙戌己酉兩年。吳下大盛。余親友患者甚眾。醫家不能深察。雜用寒涼。目擊死亡者夥矣。良由冬不藏陽。無冰少雪。溫邪為寒所束。若乘勢表散邪從暢汗者。得生。否則無有不殞命者。予亦患此症。賴陳君莘田重為表汗。始得痧透而痊。由是潛究喉科痧症諸書。頗自致疑。後得經驗闡解一編。不著撰人姓氏。寥寥數頁。要言不煩。痧治法另闢一途。足補喉科之未備。余於此症固已深知灼見矣。因考古證今刪增闡解原文。備採要法。著為此編。非逞臆說也。實以閱歷有年。方知此證重在發表。不在治喉。其喉科自有全書。毋庸夾雜。若乃此症四時皆有。是在隨時活變。總之暢汗為第一義也。

爛喉疳痧輯要

疳痧經驗闡解總論

原本

近年喉痧一症。日甚一日。且多殞命者。其故何也。祇緣舍本求末。重於咽喉。忽於痧子。早進寒涼。遏伏厲邪之故耳。蓋天有六氣。俱能生殺萬物。凡疾風暴雨。酷暑嚴寒。四時不正之氣。即為厲氣。人若感之。便能為害。適年天道南行。冬不藏陽。每多溫煖。及至春分。必有暴寒折伏。皆為非時不正之厲氣。感觸者。蘊釀成病。所以其症發必一方。長幼男女相似。寒為傳染。與厲疫同。稟氣旺者。雖感重邪。其發亦輕。稟氣弱者。即感微邪。其發亦重。夫人肺主一身之氣。肺主皮毛。脾主肌肉。肺開竅於喉鼻。鼻氣通於天氣。受邪之時。從口鼻而入於肺。脾發必由肺脾而出於肌表。當厲毒發作之時。熱淫之氣浮越於肺之經隧。所以必現咽喉腫痛。鼻塞噴嚏。咳嗽胸悶。嘔惡渾身痠痛等形。此非厲邪痧子為本。咽喉咳嗽等形為末乎。今醫不完其受病之因。乃執內經諸痛屬火。紅腫為熱。急進寒涼。甚至用犀羚石膏金汁黃連等味。稍兼辛涼表散。以為雙解之法。體質強旺者。幸藉元氣充足。或以敵邪致愈。稟之單弱者。即變音啞喉腐。氣促腹瀉。齒鼻流血。舌縮唇焦。膚乾無汗。發厥口噤。種種險候。醫家見之。猶曰病重藥輕。更以寒涼倍進。必致痧毒內陷。燔灼愈騰。喉閉痰升。命歸泉路。要知頭面紅腫。焮赤正痧毒外達之勢。當此之時。需進表散開達之劑。寒涼清膩等藥。一味不可兼雜。使其痧從汗透。則其毒自然不留。其毒既洩。咽喉豈有不愈所

以先賢諸敗毒散中皆用表散亦同此意命名也。余非業醫者，因從前子女慘遭其害，爰是潛心醫學，研究歲運司天數年以來，稍悟一斑。凡有親友患此者，而治於余，皆以表散開達為主。直待痧回腫退，鼻有清涕，遍身作癢，脫皮方進涼血清解之味。靡不應手速效。近見蘇杭此症盛行，殞命者不少。予仰體上蒼好生之德，敢將一得管見，佈告四方，並非立異，忌能炫玉求售。惟冀醫林高士、藥業仁人鑒余微忱，勿加訕詈。則患者幸甚，余亦幸甚。

論症

原本

一凡形寒壯熱，咽喉腫痛，頭痛咳嗽，胸悶鼻塞，嘔惡兩目汪汪，手足指冷，脈來濡數，或現浮數，此即厲邪痧症。需進後方，荊防葛根湯兩三劑，俟其暢汗痧透，點至足心，舌有楊梅刺方進辛涼清解之味。總之痧慎於始，若有一毫胸臆未清，便是痧症未透，不可早進寒涼遏伏，以致不治。

一凡痧症欲出未出之時，宜早為發散以解其毒，則無餘患。若不預解，使之盡出，或早投寒涼遏伏，多致毒蓄於中，或為壯熱日久枯痺，或成驚癇，或為瀉痢，或為咽喉腐爛咳嗽喘促，或作浮腫疳蝕而死。此雖一時戾氣之染，然未有不由於人事之未盡也。

一凡痧疹逡巡不出者，乃風寒外束，皮膚閉密也。宜荊防葛根湯主之，外用芫荽酒、苧麻

蘸酒憂之。

恐露體冒風，可不必用。

咽喉如有腫痛腐爛者，宜合玉鑰匙散頻頻吹之。

一凡形寒發熱面若裝礫痧不出肌即現上吐下瀉腹痛如絞甚至發厥口噤目閉神昏此乃內挾濕滯痧穢外感戾毒暴寒折伏表裏為病陰陽不通最屬危候每至朝發夕死不能過兩三日者若投寒涼清解有如操刀急進藿香正氣散加煨葛根牛蒡子蟬衣焦麴等味一兩劑得暢汗吐瀉厥止痛停痧得煖赤扶過三日庶無妨礙但此症吐瀉之後津液大傷必然發渴思冷切勿與吞冷水甘蔗水梨一切寒涼之物切忌切忌一凡熱邪壅於肺逆傳心胞絡痧疹不得出或已出而復沒者乃風寒所遏而然若不早治毒必內攻以致喘急音啞而死急用升麻葛根湯加荊芥牛蒡子桔梗蟬退櫻桃核浮萍草枇杷葉等煎服外用芫荽酒苧麻蘸酒熨之痧疹復出喘之乃可無虞倘體質單弱者不能透達需用透邪煎或柴歸飲發之如進二湯仍不煖赤者急進託裏舉癰湯一凡痧疹只怕不能出若出得暢盡其毒便解故治痧疹者貴慎於始發熱之時當察時令寒暄酌而治之倘時令嚴寒即桂枝葛根湯或麻黃湯俱可用勿拘辛溫遲疑二湯內俱加入牛蒡子蟬衣桔梗發之如時令大熱以升麻葛根湯加牛蒡辰砂蟬衣益元散發之如果熱火充熾稍加生石膏三四錢亦可倘時令平和以荊防葛根湯加浮萍草發之務使發得透暢莫使其絲毫逗留致生變幻纏綿痧後切忌大葷海鮮酸鹹滯辣之物以杜後患切囑切囑

一凡服表散之劑。必得汗至足。心疳痧透。咽痛止。胸悶舒。方無餘邪。若有痧汗少。或痧現即隱。症勢最險。或痧後重感風邪。或食新鮮發物。必有餘毒為患。俗稱痧尾是也。痧膨痧癰。痧癆。內外諸症百出。慎之。

一凡服事之人。最為要緊。必須老成可靠者。約日終夜。不得倦怠。病人不可脫裏衣。以被緊蓋。出汗後。不可使露。致汗不暢。若任性貪涼。雖方藥中病。亦難奏效。蓋痧邪當發出之時。病人每悶。不可耐。稍一反側於被內。使露以為適意。痧點即隱。毒從內陷。適意即速死之道也。

一凡痧多屬於肺。陽氣從上。頭面愈多者為吉。若餘處見而面部不見者。名白面痧。白鼻痧。症最重。必多用升發之劑。至於痧多屬於脾。隱在皮膚之間。或成塊如雲頭而突。多起於手足身背之上。發則多癢。或麻木。是兼濕痰之故。藥宜佐以滲濕祛痰。有先見疳後見痧。亦有疳而不痧。痧而不疳者。亦有喉腐不見疳痧者。表汗則一也。

一凡喉痧由來已久。綱目云。天行喉痹。一鄉相似。屬運氣之邪火。或寒藥下之。酸藥點之。鬱其邪於內。不得出也。正傳云。火性急速。發必暴悍。必以從治之法。甘桔荊防。加以溫藥為導。徐徐頻與。不可頓服。切不可驟用寒涼之藥。終仲鹵云。痧疹不宜依症施治。惟當治肺。使痧疹發出。則了無餘蘊矣。

一凡神昏譫語。惟當透肺邪。不宜用寒涼。即使痧回脫皮。舌紅唇燥。餘火熾盛。只須輕清。

淺肺為主。是集後方藥中所不載者。明眼人當深知其意。
一凡咽喉閉。毒氣歸心。胸前腫滿。氣煩促。下部洞泄不止者死。若初起咽腐。嘔吐清水。神昏。譫語。目光上竄。脈瀋伏。疫聲如鋸者不治。又三四日內。津涸舌光。唇齒焦黑。鼻扇口張。目無神者。亦不救。

要方

荆防葛根湯

葛根

一錢半

牛蒡子

三錢

桔梗

錢半

炒荆芥

錢半

枳殼

一錢

錢便湯者勿研

生甘草

四分

土貝

三錢

炒防風

錢半

加浮萍草

三錢

防風荆芥

不炒亦可。

升麻葛根湯

病點隱隱透者用之

升麻

五分

葛根

錢半

赤芍

錢半

荆芥

錢半

牛蒡

半蟬衣

一錢

櫻桃核

三錢

浮萍草

二錢

生草

四分

託裏舉癰湯

升麻

一錢

後不用

柴胡

五分

歸身

五分

赤芍

一錢

浮萍

原方有白芷

一錢

製山甲

一錢

當酌用之

蟬衣

牛蒡

荆芥

象貝

隨症可加。

透邪煎

柴歸飲與此相同加柴胡

防風

荆芥

升麻

炙草

蟬衣

牛蒡

歸身

赤芍

藿香正氣散

茅朮川朴濕重舌白膩者用

蘇葉

藿梗

桔梗

陳皮

製茅朮

厚朴

蟬衣

生甘草

牛蒡

茯苓

焦神麴

半夏麴

煨葛根

玉鑰匙

即子字吹藥

治一切喉症

腫痛腐爛

長肉生肌

始終用之。

製元明粉

五錢

礞砂

五

錢

硃砂

六分

冰片

五分

製蠶

五分

用新傾銀罐

先礞後硝

層層間鍊

如昇枯礬之狀

鬆

脆為貴。研極細末。置冷地出火氣。後加冰片。金不換方。即前方加人中白三錢。青黛三錢。其元明粉入西瓜皮內。冬天懸當風。瓜上搨孔。孔中鑽出之硝。名曰瓜硝。又方加西牛黃三分。濂珠細末三分。杜牛膝汁末皆可。然此屬有餘家用之。亦可不必。總以子字吹藥為準。

申字嗽喉散 元明粉 七兩 雄黃 三錢 右研細末。用二三錢調入蘿蔔汁。燉溫一大碗。

以羊毛筆蘸汁洗掃之。或嗽喉吐去老痰。如有杜牛膝打汁調和更妙。但不可多嚥。防作瀉。辰字探吐方 治牙關緊閉。吐藥之最靈者。真膽礬 三錢 即石膽也。冬月用青魚膽。

拌陰乾。研極細末。水調送下。此藥入口無有不嘔者。一切喉腫乳蛾。吐出頑痰立鬆。如無青魚膽製者。亦可用。

無價散 徐河漢方 治悶痧不出。亦治悶痘。雄猪糞 三錢 臘月用火煨至煙盡。水漂白。研洗。

淨。冰片 二分 絹包投入煎劑內。立驗。

異功散膏藥 孕婦忌用。切不可入口。 斑蝥 四錢 去翅足。糯米炒黃。去米不用。此米須與磚石同包。

沈於大河之底。誠恐食毒人。至囑至囑。血竭 沒藥 乳香 全蝎 元參 各五 麝香 各三

豆大。搽膏藥上。貼痛處外皮。左貼左。右貼右。貼二三時。即起泡。銀針挑破。即愈。凡險症。

起泡更速。此乾隆丁未河南此方。全活無算。

備急方 巴豆肉以紙壓取油作搃子點燈吹滅以烟熏鼻中一時口鼻流涎牙關自開
或用草麻子油亦可 又方巴豆肉研爛棉裹隨左右塞鼻中左右俱塞

一字散 猪牙皂角七角雄黃二錢生礬錢各一蝎尾七枚右為末吹少許入鼻

即吐痰皂角搗爛一味醋調入喉四五匙亦吐

荆防敗毒散 此方專治一切時行疫氣在人審症加減用之 防風 荆芥 柴胡

前胡 羌活 獨活 甘草 桔梗 枳殼 川芎 牛蒡 薄荷 茯苓

爛喉痧吹藥應效方 西牛黃五釐指爪甲五釐上濂珠三分青黛六分龍腦

片三釐壁喜窠二十個象牙屑三分右七味和勻研極細末磁瓶盛好

瓦上焙黃之藥放在地上候出火氣

刺法

少商穴在大指內側之端去爪甲殼如韭菜許左右同以針刺出血治喉閉

委中穴在膝蓋對後大小腿交界縫中治同上

急治法

凡喉症初起一日內頭頂有紅點一粒急將銀針挑破擠出毒血用水薑蘸桐油擦之若
過一週時此點即隱

痲痧採用諸藥

咽喉專劑 桔梗 生甘草

發表之劑 荊芥 防風 牛蒡 葛根 前胡 紫蘇 蟬衣 浮萍 淡豆豉 麻

黃 冬寒必用麻黃輕則三分重則六七分

透邪之劑 升麻 柴胡 葛根 西湖柳 雄猪鬃

解毒之劑 射干 殭蠶 人中黃 青綿線

消毒之劑 馬勃 赤芍 蟬衣

祛痰之劑 蘇子 土貝 象貝 杏仁 瓜蒌霜 射干 鮮石菖蒲汁 杜牛膝汁

竹茹

理氣之劑 陳皮 枳殼 蘇梗 鬱金 木香 香附 烏藥 沉香 砂仁

消導之劑 查炭 枳實 厚朴 檳榔 青皮 神麴 麥芽 萊菔子

清熱之劑 連翹 黑梔 桑葉 桑白皮 丹皮 地骨皮 知母 花粉 枇杷葉

石膏

養陰之劑 鮮生地 細生地 北沙參 霍石斛 麥門冬 必須肺熱已清者方可用

瀉火之劑 黑豆 赤豆 綠豆 各升半 生甘草 一錢 同煎 以上諸藥原為不能延醫者

居家倉卒。隨症採取數味。加入煎方。大略而已。高明勿哂其陋。然亦不外乎此也。

喉癰吊疫藥 神效

天名精。子曰鶴虱。根名杜牛膝。俗呼臭花娘草。四五月間最繁。處處有之。採取極易。用井水洗去泥。連根葉搗取濃汁。入淺口瓦盆子。晒微乾。可丸。每丸重五分。晒極乾。磁瓶收貯。勿洩氣。否則即化為水矣。如遇疫聲瀉瀉。喉間脹塞。及乳蛾等症。用兩三丸。醋研如漿。用羊毛筆蘸之。在喉間連探三兩次。疫即吐出不脹塞矣。其妙如神。牙關閉者。灌汁鼻中。亦可。倘遇氣欲絕者。將濕棉花捲急抵住冀門為要。恐其氣走下也。再服煎劑。

又方

用天名精汁。丸將陳年福珍酒。燉微溫。化服一丸。蓋煖避風。出暢汗。即愈。如症重者。加至三四丸。連服之。如症犯於四五月。取根連梗葉。勦許。搗汁碗許。陳福珍酒隨量。或二三杯。沖和燉溫服之。得汗或大吐而愈。

葉天士先生醫案 附錄

雍正癸丑年間以來。有爛喉痧一症。發於冬春之際。不分老幼。遍相傳染。發則壯熱煩渴。痔密肌紅。宛如錦紋。咽喉疼痛腫爛。一團火熱。內熾。醫家見其火熱甚也。投以犀羚芩連。梔膏之類。輒至隱伏昏閉。或喉爛廢食。延挨不治。或便瀉內陷。轉眼凶危。醫者束手。病家委之於命。孰知初起之時。頻進解肌散表。溫毒外達。多有生者。內經所謂微者逆之。甚者從之。火熱之甚。寒涼強遏。多致不救。良可慨也。

火口清源

爛喉疳疔輯要終

民國五年

急求文弄症要法

佩文題

急治喉疹要法

今庚申地喉病流行。傷人過於咸豐癸卯年。浙省疫氣流行。變患痘疹爛喉等病。更酷且廣。今將杭州周光遠所刊名醫王士雄先生醫案中保痘喉神妙三方。併論及治驗可法者三案。指盡病機。治法絲絲入扣。暨抄近時上海諸善士印送白喉忌表書中之三方。與王氏大意相同。專主清降氣火。敗滅血毒。無一味表散提透害人之藥。合二書推治喉患。實活命仙法。濟人寶筏也。今均照原書刊錄於後。

錄論

上年秋燥冬煖。霜雪稀少。河水乾涸。吾杭自九月間起。天花流行。十不救五。小兒之殤於是者。日以百計。先生曰。此痘疫也。治法當與常痘有異。惜幼科未之察耳。且天令發泄。不主閉藏。入春恐多喉患。特刊加味三豆飲方。俾未曾佈痘者。預服免患。將出者。恣飲冀輕。又勸人頻服青龍白虎湯。以杜春來喉患。不料其言果應。三春不雨。喉症甚多。醫者猶不悟其致病之因。僅知發散。正如火上添油。先生胸有成竹。一以仲聖白虎湯為救焚主劑。藥若已及於營分者。用晉三犀角地黃湯相機加減。又刊青龍白虎湯暨錫類散方。廣為印送。賴此以活者。不可勝數。

加味三豆飲

生菜豆

生黃豆

生黑大豆

或用生白扁豆亦可

金銀花

生甘草

水煎服

先生原刻自注云。古方三豆飲。為痘證始終可服之妙藥。未出時常服。痘可使稀。將出

時急服。重可冀。輕已出。時恣服。逆可轉順。盡出時頻服。毒可易清。俗傳種痘是密室烘花。更有初生小兒。於十八日內服藥。令其出痘之法。是揠苗助長。此等矯揉造作。陰受其害者。古今來不知幾恆河沙數矣。至於種種稀痘之方。皆無意義。或以毒藥損人元氣。或以穢物致生別恙。慎勿為其所惑。惟此方藥極簡易。性最和平。味不惡劣。易辨易服。不必論其體質。久服無弊。誠盡善盡美之王道藥也。杭人惑於患痘不食豆之說。甚屬可鄙。今特辯明。冀人醒悟。凡小兒能啜飲後。即以此藥日日代茶。誠保赤之首章焉。原方用赤豆。性燥傷陰。予以黑大豆易之。更有補陰之績。雖燥令燥體。皆無礙矣。再益銀花甘草。而化毒之功尤勝。或疑銀花性涼。似難久用。不知三豆皆穀也。性皆實脾。得銀花以濟之。更覺沖和。況小兒體純陽。極宜此甘涼補陰之味。豈特稀痘尤能明目消瘡。不生瘡癰泄瀉等病。其功未能殫述也。

青龍白虎湯

橄欖

生蘆根

水煎服

先生自注云。此予自製方也。橄欖色青。清足

厥陰內寄之火風。而靖其上。騰之焰。蘆根色白。化手太陰外來之燥熱。而肅其下行之氣。合而為劑。消經絡留滯之疫。解膏粱魚麵之毒。用以代茶。則龍馴虎伏。臟腑清和。豈但喉病之可免耶。且二味處處皆有。人人可服。物易功優。久任無弊。實能弭未形之患。

勿以平淡而忽諸

錫類散

吹至喉間。痛除為度。推治諸毒下疳。梅毒。犯喉。亦神效。勝六神丸百倍。

西牛黃五釐

象牙屑焙三分

飛淨青